

Гегән-герлин көдлмш өвс хадлгънд

КПСС-н XX-ч хург олна мал бсқдгъг болн терунас гардг эдл-ушиг улм цаарандь бргджұл шиидвр гаргъсмн. Эн шиидвр ик саянар кўцагдджана.

Мал — м а н а тангъчин зобр. Ода малин хотиг хойр джилин эргид кўрмрж белддж батлхин төлә гўджрджах цагла, культурин, гегән-герлин учрежденъс бас саянар орлцх зовта.

Өвс хуралгъна цагла хамгин чинртә, хамгин гол тортъ — көдлмшин кўцамджиг өөдлүлгън болджана.

Өвс хуралгъг ахр цагин эргид кехин төләд, энүнд көдлдж йову улст баах бааринь, уухидх, отинь, умшх газетинь, халах наадинь цаг-цаглань үзүлх кергтә. Өвс хадлгъна цагла цуг цайлгъврин, эрдмбилгин көдлмшиг кеер, амтн көдлдж йовсн газрт оддж, тракторн бригадсар, өвс хадлгъна агрегатсар кех кергтә.

Хамгин сән культури-массовой көдлмш — амтн дунд цайлгъврин көдлмш келгън, теднлә кўндвр келгън. Эн кўндвртән өвс хуралгънд амтнә нўрт йовх көдләчрин тускар цайлгъвр кех кергтә. Дакад болхла, кеер өвс хурадж йовх улс цаглагъан радио сонъсл-

гън, газет умшлгън — ик кўчр болх учрта, тер төләд, амтнд кўргдж умшлгъ кех, цайлгъврин көдлмши саянар делгрүлх кергтә.

Мана тангъчин Каспийск района «Северный» поселкин селәнә клуб (заведующий Б. Л. Рогачев) өвс хадлгъна цагла ик сән көдлмш кеджанә, тедн цаг-цаглань кўндвр кенә, газет, журнал умшдж өгнә. Шидр мал өскәчнр дунд Гончарин «Знаменосцы» гидг дектрәр умшачрин конференц болв.

Ода эн көдлмшин гүдү цагт эрсин газетин гарлгъг бас ярулх кергтә. Эрсин газетд, «цакклгън» болгънд өвс хадлгън ягъдж кегдджәхиг, эн көдлмшин сән халхинь болн дугу-дундинь йилгъдж бичх кергтә. Дакад көдлмшин нўүрт йовх улсин сән дамшлтгиг олн дунд тархах кергтә. Эн халх көдлмшт Приютненск района 4-ч совхозин клубин заведующ үр В. И. Еремин ик оныган өгнә. Эрсин газетәс талдан «крокодил», «колючка» гидг сатирическ газетс бас гарна. Партийн гардачнрт болн учрежденә ахлачнрт, өвс хадлгъг цаг-болзлгань кехд эн тоот тусан халдана.

Селәнә эдл-ахун көдлмшт соцдөрлдә бүрдәлгъяр, нўүрт

йовх улсин нердиг Кўндллгънә доскд барллгъяр, социалистическ дөрлдәнә кўцлтин ашмудиг цаг-цаглань амтнд кўргдж медүллгъяр Сарпинск района культурин Герин директор үр В. А. Ефремов саянар көдлнә. Өвс хуралгъг ахр цагин болзт кўцахми гидж бичәтә плакатс, лозунгс, диаграммс өлгәтә баянә.

Черноземельск района кино-механик Леонид Барнашевский сән дамшлтта кино-механик. Шидр тер нег өдр гурвн колхозд кино үзүлв. Өвс хадлгъна цагт үр Барнашевский өдр болгън зурагъан 200-215 процент кўцәнә.

Колхозникудин болн механизатормудин амрдг цагинь саянар олзлулхин кергт селәнә клубс, культурин Гермүд, художественн самодеятельностин коллективсин чидләр концертс бригадсар йовдж үзүлнә. Эн өдрмүдт Яшкульск района 108-ч номертә совхозин клубин болн Элистинск культурин Герин агитбригадс саянар көдлджцәхәнә. Дакад Госла, Хальмгин ду-биигъин Государственн ансамбль Приютненск, Целинн, Яшкульск, Черноземельск райодар йовдж концертс үзүлдж йовна.

У. ХАРМАНДЖИЕВ,